

1363

筠

谿

集

十



詳校官庶吉士臣瑚圖禮

侍讀臣孫球覆勘

總校官庶吉士臣倉聖脉

校對官典簿臣郭祚熾

謄錄監生臣查浩

欽定四庫全書

筠谿集卷二十

宋

李彌遜

撰

挽詩四十七首

楊貫之提舉挽詩二首

當年接翼上天池舊事空存雁塔題豈有新詩來渭北

謾令後學仰關西

錦衣人逐驚漚散丹旆歌隨落照低它日扁舟江上路

酸風吹淚過姑溪

龍學許公挽詩 二首

粹惠山藏玉高標木秀林三朝侍楓禁列郡憇棠陰文
翰家聲在規模國計深蓋棺頭正黑空負濟時心

二

晚起故園興柴車歸鹿門營家無立壁愛客不空尊喪
亂長纓絕悲涼舊劍存不堪聽楚些無處可招魂

碩人趙氏挽詩 二首

毓秀名臣裔來嬪上相家浮漚輕富貴朽木視鉛華曉

日俄晞露春風自笑花仙蹤今不返望斷五雲車

二

命服從夫貴遺經易子成蘋蘩無失職琴瑟自和鳴已
嘆歸同穴猶悲夢兩楹旁觀灑清淚雙旄出寒城

晉康郡侯碩人曾氏挽詩二首

二首

閨閱榮誇俗閨房秀出羣得賢推淑女有子賴嚴君臺栢憂時譽庭蘭奕世聞高名寫彤管異代仰清氛

二

身備難并福心明最上宗夜臺亡宿恨旦宅漫遺蹤塵
暗魚機帳雲低馬鬣封酸風一襟淚哀入暮山松

忠顯劉公挽詩

二首

活人憂國見生平晚節臨危志益明漢仗塵深遠宮闕
胡裘風急半公卿千人致招竟不起萬戶封侯卻似烹
暮晉朝梁真可忍紛紛螻蟻尚偷生

旣基媒孽自燕秦抗議如公有幾人軍旅未聞焉用試
豺狼不噬豈宜親求魚緣木謾蠹國曲突徙薪翻殞身

才大言深古難用忠良千載恨常新

張柔直知郡挽詩二首

世路狐狸正急賢並遊長恐着鞭先龔黃政術江湖上
賈馬聲名雨露邊白髮空違三釜養青衿獨抱一經傳
傷心才大難為用不為酸風亦泫然

金蘭臭味百年期生死那知歟兩岐路斷東芻難寄恨
封成掛劍謾傳悲向來不誦凌雲賦此日休歌薤露詩
自愧千秋負良友剩留清淚與君垂

故相少師李公挽詩 四首

天意康時難賢生益世雄風流晉人上事業舜歌中許
國回天力懷君貫日忠平生英爽氣凜凜未成空

二

國步乘陽九胡塵暗上京支傾隆大厦卻敵隱長城草
木知春澤狐狸絕夜鳴雲臺瞻衮繡千古繼哀榮

三

去國頭方黑傷時鬢易絲徒薪謀獨驗擊楫志空悲尚

想嘉猷告曾聞大政諮兩楹歌昨夢忍誦愍遺詩

四

白髮陳雷舊交情貴不渝詩牋留曉炬書鴈聚春蘆憂
國言猶在知心道已孤江臯一襟淚不復見夷吾

門下大資顏公挽詩

三首

洙泗流風遠儀型世有人一經窺聖域三返得賢臣勲
業艱難際聲名寂寞濱赤松歸有伴此道獨知津

二

不作鸞臺夢來尋鳳沼春
劬勞知永慕壽考見深仁
示疾元非病離人已反真
生綃寫遺恨猶露衮衣身

三

求郡連牆日行藏二紀餘
空留冢上劍不見枕中書
山黑佳城閼堂陰旦宅虛
悲心寄松楸哀韻擁輜車

寶學連公挽詩

二首

男兒死爾未應悲可惜
胷中尚有奇絕域英聲
宜早歲楚庭高議補明
時壯懷自感中流楫舊
愛今存峴首碑

天獨不能遺此老益棺兩鬢未全絲

弱冠論交老更堅平生風義想前賢銀峯告政一千里
鴈塔聯名四十年漫許赤心酬雨露終成白髮傲林泉
酸風送子寒山暮鳴壑搖松亦泣然

鄭尚明學士挽詩

二首

人物義皇上塵中無此流高談悲管晏老手命曹劉室
有芝蘭棄家餘鐘鼎收平生斷金約墮淚益棺休

四十才名重歸來白髮侵一官駒在谷有子鶴鳴陰膳

著潛夫論今亡子敬琴送車知幾兩松壑助哀音

陳氏太君挽詩 二首

淑德嬪賢裔宜家有令人蘋蘩寒更潔繭績老猶親月
館虛陶客雲阡失孟鄰悲風獵丹旌行路亦霑巾

二

之子榮親志長纓萬里歸如何畫錦地不見老萊衣誰
謂松難老俄成露易晞平生三釜樂空使寸心違

知郡鄭公挽詩

拾芥聲名早歲馳
白頭有蘊未全施
向來茂草無留訟
是處甘棠有去思
才術舊聞優少贛
交游賸欲賴當時
誰知沱水歌來暮
翻作西城薤露詩

彭府君夫人羅氏挽詩

二首

擢秀芝蘭晚來嬪
詩禮庭好羞貧更
潔壽髮短猶青秦
號封方寵蓬瀛駕
不停天風助哀怨
吹雨濕丹銘

二

始訝生兒異那知
有母賢客無三至
感家獨一經傳恨

鎖魚機帳悲纏馬鬣肝他年陳五鼎清書下雲輶

郭君建挽詩

藹藹聲華萬耳聞可憑詩禮大於門浮雲終負三餘學
流水難追九逝魂朝有青衿懷舊德室惟黃卷富諸昆
生平不對論文酒空使清鈇比淚痕

蔡子應郎中挽詩

二首

獨秀聲名楚水東妙年騰踏俊游中文昌寓直風雲近
神武歸來猿鶴同居士人非禪板寂少微星暗寶函空

知心不必悲生死欲向何方覓是翁

三生曾結在家因半世相從漸老身曲几團蒲分夜靜
斜風細字寄情親伯牛命矣元非病桑戶嗟來已反真
我亦無心趁哀樂每懷前事一傷神

宮使待制舍人趙公挽詩

三首

秀出青徐野風移鄒魯鄉家聲齊丙魏人物到軒黃漫
士從三已危機付兩忘並遊無此老誰與共行藏

二